

նայապետն էր տարւոյն այնորիկ» (Յով. ԺԸ. 13): Պատմագիրները կ'ըսեն թէ Յիսուսի բերուած ժամանակ Աննան զբողոսած էր ուրիշի մը հարցաքննութեամբ. այդ պատճառով Յիսուսը կապեցին ձիթենիի մը և յետոյ բանտարկեցին: Աննա քիչ վերջ կ'սկսի Յիսուսի հարցաքննութիւնը և նոյն միջոցին քահանայապետին սպասաւորներէն մին անիրաւարար ծանր կերպով կ'ապտակէ Յիսուսը. և Աննան Յիսուսը շղթայակապ կը զրկէ Կայիափային: Մեր Փրկչին նկատմամբ Աննայի տան մէջ կատարուած այս աւետարանական դէպքը նախնի բարեպաշտ քրիստոնէից թելադրած է որ Աննայի տան տեղւոյն վրայ վանք և եկեղեցի կառուցուի յաւերժացնելու համար Փրկչին առաջին Զարչարանաց եւ բանտարկութեան այս յիշատակը:

2. Ս. Հրեցսակապէս անուրը.

Նկատի առնելով Ս. Հրեշտակապետի վանքին տեղւոյն վերաբերմամբ պատմուած աւանդական յիշատակները, ի սկզբան մեկնութիւն մը չենք կրնար տալ թէ՛ ինչո՞ւ այս վանքին ու եկեղեցիին անունը Ս. Հրեշտակապէս դրուած է. նոր դրուած անուն մըն ալ չէ. շատ հին դարերէն մեզ կը հասնի ան: Տեղացի Արաբները այս վանքը կ'անուանեն Տէյր էյ Զէյրունէն (Զիթենիի վանք), անշուշտ պատճառովը այն ձիթենիին որուն կապուեցաւ Յիսուս. բայց բոլոր քրիստոնէից մէջ ընդհանրացած անունն է Ս. Հրեշտակապէս: Այս անուանակոչութիւնը կարելի է հետեւեալ կերպով բացատրել: Եկեղեցւոյ Հայրերը զանազան մեկնողական բացատրութիւններ կու տան Աննայի տան մէջ յանդուգն սպասաւորին կողմէն Յիսուսի տրուած ծանր ապտակին մասին, և կը յայտնեն, մասնաւորապէս Ոսկեբերան, թէ այդ ապտակահարութեան ժամանակ երկնային զինուորները սարսափեցան և ծածկեցին իրենց երեսը: Աստուածորդւոյն յանդգնարար տրուած այդ ապտակի սաստկութիւնը տազնապեցուց այդ հոգեղէն էակները ու անոնք ստճմուկած մնացին մարդ արարածին այդ մեծ անիրաւութեան համար: Եկեղեցւոյ Հայրերուն քրիստոնէական այս ըմբռնումին համաձայն էր որ բարեպաշտները, ի պատիւ եւ ի պարծանս երկնային զօրութեանց, Աննայի տան տեղւոյն վրայ կը հիմնարկեն վանք ու եկեղեցի: Ս. Հայրերու նոյն բացատրու-